



Broj predmeta: 13-002401/24
Broj akta: 02-1533ST-0014/24
Datum, 23.9.2024. godine
Mjesto, Brčko

Na osnovu člana 21. Zakona o Vladi Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 27/23 – prečišćeni tekst i 23/24), člana 20. Zakona o javnoj upravi Brčko distrikta Bosne i Hercegovine („Službeni glasnik Brčko distrikta BiH“, broj: 18/24 – prečišćeni tekst), člana 16. stav (1) tačka g) i člana 31. stavovi (1) i (3) Zakona o izvršenju Budžeta Brčko distrikta Bosne i Hercegovine za 2024. godinu („Službeni glasnik Brčko distrikta Bosne i Hercegovine“, broj: 01/24), člana 7. Zakona o zaštiti prava pripadnika nacionalnih manjina u Brčko distriktu Bosne i Hercegovine („Službeni glasnik Brčko distrikta BiH“, broj: 41/20 i 13/21), a u vezi s Odlukom o utvrđivanju kriterija za podršku programima i projektima udruženja nacionalnih manjina, broj predmeta: 13-001566/23, broj akta: 01.11-0323SR-020/23 od 18. 10. 2023. godine i Odlukom o odobravanju sredstava i usvajanju Programa utroška sredstava za finansiranje programa i projekata čiji je cilj zaštita prava pripadnika nacionalnih manjina za 2024. godinu, broj predmeta: 13-002401/24, broj akta: 01.11-0323SR-011/24 od 18. 9. 2024. godine, šef Odjeljenja za stručne i administrativne poslove o b j a v l j u j e

J A V N I P O Z I V **ZA FINANSIRANJE PROGRAMA I PROJEKATA ČIJI JE CILJ ZAŠTITA PRAVA** **PRIPADNIKA NACIONALNIH MANJINA**

I. **Cilj**

Cilj Javnog poziva je podrška udruženjima nacionalnih manjina za finansiranje programa i projekata koji se odnose na zaštitu prava pripadnika nacionalnih manjina, očuvanje i promociju njihovih različitih kulturnih, etničkih, jezičkih, tradicionalnih i vjerskih identiteta te kulturnog naslijeđa.

II. **Pravo učesća**

Na Javnom pozivu mogu učestvovati udruženja koja su registrovana s ciljem zaštite prava pripadnika nacionalnih manjina, očuvanja i promocije njihovih različitih kulturnih, etničkih, jezičkih, tradicionalnih i vjerskih identiteta te kulturnog naslijeđa i za koje se utvrdi da ispunjavaju kriterije uz člana III. ovog poziva.

III. **Kriteriji za dodjelu sredstava**

Kriteriji za dodjelu sredstava:

- da je registrovan s ciljem zaštite prava pripadnika nacionalnih manjina, očuvanja i promocije njihovih različitih kulturnih, etničkih, jezičkih, tradicionalnih i vjerskih identiteta te kulturnog naslijeđa;
- da je opravdao sredstva dodijeljena iz budžeta Brčko distrikta Bosne i Hercegovine u prethodnoj godini;
- da je u momentu podnošenja prijave za finansiranje programa i projekata registrovan u skladu s važećim propisima Brčko distrikta Bosne i Hercegovine najmanje šest mjeseci;

- d) da je kroz edukacije, radionice ili konsultacije imao saradnju s entitetskim Vijećem nacionalnih manjina.

Kao dokaz za gore navedeno, dostaviti rješenje o registraciji, potvrde ili drugu dokumentaciju kojom se dokazuje ispunjenost kriterija.

IV.

Spisak neophodne dokumentacije za dodjelu sredstava

Neophodna dokumentacija koju podnosilac prijave prilaže uz prijavu za finansiranje programa i projekata je:

- a) prijava za finansiranje programa i projekata s opisom aktivnosti – ANEKS I;
- b) kopija aktuelnog izvoda iz sudskog registra, ne stariji od tri mjeseca;
- c) kopija rješenja o upisu u sudski registar sa spiskom lica ovlaštenih za zastupanje subjekta u pravnom prometu;
- d) kopija važećeg statuta podnosioca prijave;
- e) kopija kartona deponovanih potpisa iz banke ili ugovor podnosioca prijave s bankom u kojoj ima otvoren tekući račun;
- f) dokaz o izmirenim poreznim obavezama ili sporazum zaključen s Poreznom upravom o odgodi plaćanja neizmirenih poreznih obaveza udruženja ne stariji od tri mjeseca;
- g) finansijski plan s jasno definisanih opisom troškova – ANEKS II;
- h) potpisanu i ovjerenu izjavu da za istu svrhu i namjenu podnosiocu prijave nisu odobrena niti dodijeljena sredstva ni od jednog drugog budžetskog korisnika u tekućoj godini – ANEKS III;
- i) odluka nadležnog organa podnosioca prijave o odobravanju i usvajanju plana i programa rada i finansijskog plana – ANEKS IV.

V.

Finansijski okvir

Sredstva za realizaciju ovog javnog poziva su osigurana Budžetom Brčko distrikta Bosne i Hercegovine za 2023. godinu na organizacionom kodu 15010001 – Odjeljenje za stručne i administrativne poslove, Pododjeljenje za podršku mjesnim zajednicama, nevladinim organizacijama i udruženjima građana, ekonomski kod 614300 – Tekuće donacije ostalim neprofitnim organizacijama iz Fonda za nacionalne manjine i iznosi **18.000,00 KM**.

Minimalni iznos sredstava po programu i projektu je 2.000,00 KM, a maksimalni iznos je 8.000,00 KM.

VI.

Način dodjele sredstava

Komisija će, na osnovu podnesenih prijava, izvršiti vrednovanje prijedloga programa i projekata (opis programa i finansijski plan) iz člana IV, a u skladu s kriterijima predviđenim članom III. ovog poziva, odlučiti o ispunjenosti uslova i visini sredstava za dodjelu.

VII.

Vrijeme trajanja programa i projekta

Svi prijedlozi programa i projekata koji budu odobreni po ovom javnom pozivu moraju biti realizovani najkasnije do 31. 3. 2025. godine.

VIII.

Način prijavljivanja

Anekse prijave s prapatnom dokumentacijom za učešće na Javnom pozivu, možete preuzeti na web stranici: www.vlada.bdcentral.net.

Prijave za učešće na Javnom pozivu popuniti isključivo u elektronskoj formi i dostaviti u zatvorenoj koverti, s naznakom: „**PRIJAVA NA JAVNI POZIV ZA FINANSIRANJE PROGRAMA I**

PROJEKATA ČIJI JE CILJ ZAŠTITA PRAVA PRIPADNIKA NACIONALNIH MANJINA – NE OTVARATI, OTVARA KOMISIJA“. S druge strane koverte navesti naziv udruženja, te prijavu dostaviti, putem pisarnice u zgradu Vlade Brčko distrikta BiH, Odjeljenju za stručne i administrativne poslove ili putem pošte na adresu: **Odjeljenje za stručne i administrativne poslove, Bulevar mira br. 1, Brčko distrikt BiH.**

Za sve potrebne informacije možete se obratiti putem e-maila:

Amir Karamujić: amir.karamujic@bdcentral.net

Dalila Miljević: dalila.miljevic@bdcentral.net

Nebojša Jokić: nebojsa.jokic@bdcentral.net ili na kontakt-telefon: 049 / 220-009.

Javni poziv ostaje otvoren 15 dana od dana objavljivanja, zaključno sa 9. 10. 2024. godine i bit će objavljen na internet stranici Vlade Brčko distrikta BiH www.vlada.bdcentral.net.

DOSTAVITI:

1. Za oglasnu ploču,
2. Medijima,
3. Evidenciji,
4. Arhivi.

ŠEF ODJELJENJA

Senad Tufekčić, dipl. psiholog – pedagog